



**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՈՍՏԻԿԱՆՈՒԹՅԱՆ
ՊԱՐԵԿԱՅԻՆ ԾԱՌԱՅՈՒԹՅՈՒՆ**

0090, ք. Երևան, Շոպրոնի 77, Հեռ.

N 91/155

<04>0 2022թ.


Հրայր Կիրակոսյանին

Հասցե՝ ք. Երևան Մոլդովական 44/4 շ. 4 բն.

Ուղարկում եմ Ձեր դիմումի հիման վրա ՀՀ ոստիկանության պարեկային ծառայության իրավաբանական բաժանմունքում իրականացված վարչական բողոքարկման վարույթի արդյունքում թիվ 8180064231 վարչական ակտն անփոփոխ, իսկ վարչական բողոքն առանց բավարարման թողնելու մասին որոշումը:

Առդիր՝ <2> թերթ:

**Պետ,
ոստիկանության գնդապետ՝**


Ա. Ումրշատյան

Կատ. Հ. Հարությունյան
010-30-42-02

ՀՀ ոստիկանության պարեկային ծառայության վարչական իրավախախտման վերաբերյալ գործով 07.12.2021թ-ին կայացված թիվ 8180064231 որոշումն անփոփոխ, իսկ վարչական բողոքն առանց բավարարման թողնելու մասին

<< 04 >> 01 2022թ.

ք.Երևան

ՀՀ ոստիկանության պարեկային ծառայության պետ, ոստիկանության գնդապետ Ա. Ումրշատյանս, վերանայելով Հրայր Կիրակոսյանի (Ծանուցման հասցե՝ ք. Երևան, Մոլդովական 44/4 շ. 4 բն.) դիմումի քննարկման արդյունքում ստեղծված նյութերը,

Պ Ա Ր Զ Ե Ց Ի

07.12.2021թ. Երևան քաղաքի Սաֆարյան փողոցում քաղաքացի Հրայր Կիրակոսյանը իր վարած <<ԲՄՎ>> մակնիշի 37 FZ 754 հաշվառման համարանիշի տրանսպորտային միջոցով մուտք է գործել <<Ճանապարհային երթևեկության կանոնները և տրանսպորտային միջոցների շահագործումն արգելող անսարքությունների և պայմանների ցանկը հաստատելու մասին>> ՀՀ կառավարության 955-ն որոշման հավելված 1-ի <<Ճանապարհային նշաններ>> բաժնի 3.1 ճանապարհային նշանով կահավորված փողոց, որի հետևանքով վարորդի նկատմամբ Պարեկային ծառայության Երևան քաղաքի գնդի 2-րդ գումարտակի 3-րդ վաշտի կրտսեր պարեկ Շիրազ Բարսեղյանի կողմից կայացվել է թիվ 8180064231 որոշումը՝ վերջինիս 5.000 ՀՀ դրամի չափով տուգանելու մասին:

09.12.2021թ.-ին Պարեկային ծառայություն ստացված դիմումով Հ.Կիրակոսյանը խնդրել է անվավեր ճանաչել պարեկային ծառայության վարչական իրավախախտման վերաբերյալ գործով 07.12.2021թ. կայացված թիվ 8180064231 որոշումը՝ նշելով, որ նշանը պիտի գործի 08.12.2021թ-ից, իսկ որոշումը կայացվել է 07.12.2021թ-ը:

Դիմումի քննարկման արդյունքում պարզվել է, որ վարչական իրավախախտման վերաբերյալ գործով 07.12.2021թ-ին կայացված թիվ 8180064231 որոշումը ենթակա է կատարման հետևյալ պատճառաբանությամբ.

«Վարչարարության հիմունքների և վարչական վարույթի մասին» ՀՀ օրենքի 38-րդ հոդվածով սահմանված կարգով վարչական վարույթում քննարկվող փաստական հանգամանքների վերաբերյալ արտահայտվելու և լսված լինելու հնարավորություն տալու նպատակով Ե. Եսայանի ներկայացուցիչ Վ. Գաբրիելյանը հրավիրվել է պարեկային ծառայության իրավաբանական բաժանմունք, սակայն, լինելով պատշաճ ծանուցված, չի ներկայացել:

ՀՀ կառավարության 2007 թվականի <<Ճանապարհային երթևեկության կանոնները եվ տրանսպորտային միջոցների շահագործումն արգելող անսարքությունների եվ պայմանների ցանկը հաստատելու մասին>> 955-ն որոշման 1-ին հավելվածի ձև 1-ի համաձայն՝ 3.1 «Մուտքն արգելվում է» ճանապարհային

նշանի ազդման գոտում արգելվում են տրանսպորտային միջոցների մուտքը տվյալ ուղղությամբ:

<<Վարչական իրավախախտումների վերաբերյալ>> ՀՀ օրենսգրքի 124-րդ հոդվածի 1-ին մասի համաձայն՝ տրանսպորտային միջոցների վարորդների կողմից ճանապարհային նշանների կամ ճանապարհային գծանշումների պահանջները չկատարելը՝ առաջացնում է տուգանքի նշանակում՝ սահմանված նվազագույն աշխատավարձի հնգապատիկի չափով:

Պարեկային ծառայության ծառայող Շիրազ Բարսեղյանի պարզաբանման համաձայն՝ Հ. Կիրակոսյանը Սաֆարյան փողոցում «Մուտքն արգելվում է» ճանապարհային նշանով կահավորված փողոցում մուտք է գործել չթույլատրվող ուղղությամբ, ինչը եղել է իր տեսադաշտում, արդյունքում կազմվել է վարչական իրավախախտման վերաբերյալ արձանագրություն և կայացվել թիվ 8180064231 որոշումը: Պարեկային ծառայողը ներկայացրել է նաև տվյալ փողոցի ճանապարհային նշանի լուսանկարը:

Ինչ վերաբերում է դիմողի այն պնդմանը, որ ճանապարհային նշանը պետք է գործեր 08.12.2021թ.-ից, հարկ եմ համարում նշել, որ նման կարգավորում առհասարակ առկա չէ:

Այսպիսով, համադրելով գործում առկա ապացույցները, ակնհայտ է, որ վարորդը տրանսպորտային միջոցը կայանել է կանգառն արգելված վայրում, ուստի գտնում եմ, որ դիմումատուի արարքում առկա են <<Վարչական իրավախախտումների վերաբերյալ>> ՀՀ օրենսգրքի 124-րդ հոդվածի 1-ին մասի հատկանիշները:

Ելնելով վերոգրյալից և ղեկավարվելով <<Վարչական իրավախախտումների վերաբերյալ>> ՀՀ օրենսգրքի 293-րդ հոդվածի 1-ին մասի 1-ին կետով՝

Ո Ր Ո Շ Ե Ց Ի

1. Պարեկային ծառայության վարչական իրավախախտման վերաբերյալ գործով 07.12.2021թ-ին կայացված թիվ 8180064231 որոշումը թողնել անփոփոխ, իսկ վարչական բողոքն առանց բավարարման:
2. Սույն որոշումն ուժի մեջ է մտնում հանձնելու օրվան հաջորդող օրը և կարող է բողոքարկվել ՀՀ վարչական դատարան՝ օրենքով սահմանված կարգով և ժամկետներում:
3. Սույն որոշման օրինակն ուղարկել դիմողին և պարեկային ծառայության Երևան քաղաքի գունդ:

Պետ,
ոստիկանության գնդապետ՝



Ա. Ումրշատյան